




Ang Banagbanag

Ang Mantalaan sa Presensya ni Kristo

The Dawn in the Cebuano dialect

Sa Dihang Si Hesus Mikayab	3
Gibatukan ni Jesus ang Tentasyon	13
Ang Misyon ni Jesus dinhi sa Yuta	15
Ang Pagtulon-an ni Jesus Mahitungod sa Balaod.....	17
Ang Labing Dako nga Kasugoan	19

Sa Dihang Si Hesus Mikayab

“Si Jesus miingon kaniya, Ayaw na ako pagkupti, kay wala pa ako makasaka ngadto sa Amahan. Apan adtoa ang akong mga kaigsoonan ug suginli sila nga mosaka ako ngadto sa akong Amahan ug inyong Amahan, sa akong Dios ug inyong Dios.”

—Juan 20:17

Daghang matinud-anong Kristyanos sa tibook kalibutan ang naghandum sa kamatayon ni Jesus sa gabii sa Abril 13, pinaagi sa pagambit sa “tinapay” ug sa “kopa,” sama sa iyang paghangyo sa mga tinun-an sa paghimo niini samtang didto sila sa “ibabaw nga lawak” nianang gabii sa wala pa siya gilansang. (Marcos 14:15; Mateo 26:26-29) Ang petsa niining tinuig nga paghandom sa kamatayon sa atong Ginoo nahisubay kini sa lunar nga kalendaryo sa mga Hudeo, ug nahitabo sa ikanapulog upat nga adlaw sa bulan sa Nisan, mao usab nga adlaw diin gipatay ang Karnero sa Paskua sa Hudeo. Si Hesus ang mao ang katumanan sa maong hulagway nga nahimong “Karnero sa Paskua,” ang “Kordero sa Diyos, nga nagawatang sa sala sa kalibutan.”—I Cor. 5:7; John 1:29

Gamit ang mao usab nga lunar nga kalendaro, ang buntag sa Abril 16 nitugbang sa panahon sa pagkabanhaw sa atong Ginoo gikan sa mga patay, diin kini gideklarar sa kasulatan nga nahitabo sa ikatulo ka adlaw. (Mateo 16:21; 17:23; 20:19) Sa ika kap-atan ka adlaw human sa iyang pagka banhaw, si Hesus misaka ngadto sa iyang Amahan—karong tuiga tunong kin sa Mayo 26. (Buhat 1:3) Pagkahuman sa napulo ka adlaw gikan niadto, sa adlaw sa Pentekostes, ang Espirito Santo mikunsad sa mga naghulat nga mga tinun-an sa Jerusalem—mao kana ang Hunyo 5 ang tugbang niini nga petsa sa 2014. (Lev. 23:4-16; Buhat 2:1) Busa, ang bulan sa Mayo mahitukma niadtong panahon human sa pagkabanhaw ni Hesus gikan sa mga patay, nga diin siya nagpakita sa nagka lainlaing okasyon ngadto sa iyang mga tinun-an, ug misaka sa Amahan—ang bulan natapos pipila lamang ka adlaw sa wala pa ang Adlaw sa Pentekostes.

Sa walay pagtagad sa tinuig nga pagkalkular sa sa mga panghitabo pinaagi

sa lunar nga kalendaryo, ang kamatayon, kabanhawan, ug pagkayab ni Hesus ngadto sa Amahan, ingon man sa nisunod nga pagkunsad sa Balaang Espirito sa Adlaw sa Pentekostes, maoy mahingdanon kaayo nga hulagway sa bahin sa katumanan sa plano sa Diyos sa kaluwasan. Kada tuig niini nga panahon, diin ang atong mga kasingkasing ug hunahuna anaa kanila, napanalanaginan kita sa paghinumdum sa nagkalain-lain mahinungdanong teksto sa Kasulatan nga may kalabutan niini nga panghitabo, ug sa atong pagsusi sa mga mahinungdanong pagtolunan sa kamatooran nga gipaabot kanato. Atong mahinumduman ang makahulugan nga panagna sa kabanhawan ni Hesus, nga nahitala sa Salmo 16:10, nga nagpakita sa iyang kaugalingong pagsalig nga ang iyang kalag dili magpabilin sa impyerno o lubnganan—nga kini, ang iyang pagkasiya dili magpabilin diha sa kamatayon---diha sa lubnganan.

Sulod sa panahon sa iyang kalibutanong pangalagad, wala si Hesus miangkong sa abilidad sa pagbanhaw sa iyang kaugalingon gikan sa mga patay, apan kompiyansa siya nga kon siya matinund-anon, ang Langitnong Amahan dili mobiya kaniya sa kamatayon. Mao, nga sa iyang mga katapusang pulong didto sa krus, siya miingon sa iyang Langitnong Amahan: “Sa imong mga kamot itugyan ko ang akong kalag”---akong kinabuhi—akong pagkaako. (Lucas 23:46) Ang Apostol Pedro, sa iyang pagsulti sa Adlaw sa Pentekostes niingon, “Kini maong Hesus, gibanhaw sa Diyos.”—Buhat 2:32

Ang Apostol Pablo ingon man usab nagtumong sa kusganong gahum sa Diyos nga gigamit sa pagbanhaw kang Hesus gikan sa mga patay, ug sa paghimaya kaniya ngadto sa iyang toong kamot. Iyang gipahibalo ang mga kaigsoonan sa Efeso nga siya nagampo nga unta ang ilang mga mata sa pagpanabot malamdagan para mahibalo sa paglaum nila sa ilang tawag ug “hilabihan pagkadako” nga balaang gahum nga gigamit sa pagbanhaw ni Hesus. Kining maong gahum, matod pa niya, anaa usab “kanato nga nitoo.” (Efeso 1:17-22) Kini tungod kay ang mata sa atong pagpanabot malamdagan aron nato makita ang mga butang “nga dili makita,” mga butang nga walay katapusan didto sa langit.—II Cor. 4:17,18

Sa atong pagpamalandong niini nga hilisgotan, ato usab mahinumduman ang gitambag ni Pablo sa Colossas 3:1-3, diin iyang gisulti nga kon kita “gibanhaw uban kang Kristo” atong “pangitaon kadtong mga butang nga atua sa langit, nga diin si Kristo naglingkod sa too sa Diyos.” Diha sa kahibalo nga si Kristo mahimayaon kaayong gibayaw, ug aron kita mapasaligan nga atong makab-ot ang langitnong himaya uban kaniya, asegurado gayud nga kita mapanalanginan diha sa pagpamalandong.

Mihatag usab ug laing rason nga kita mapuno sa kalipay sa atong kahibalo nga gibayaw si Hesus ngadto sa kinahitas-an sa toong kamot sa Diyos. Kini adunay kalabutan sa atong mga kakulangan, ug ang posibilidad nga mawad-an kita ug gana. Miingon siya, “Kinsa man ang mopakanaug sa hukom sa silot? Siya ba si Cristo Jesus, ang namatay, oo, ang nabanhaw gikan sa mga patay, ang anaa karon sa too sa Dios, ang nagapangamuyo gayud alang kanato.” (Roma 8:34) Usab sa Hebreohanon 7:25, gisulat ni Pablo nga si Hesus “buhi sa kanunay aron sa pagpangamuyo kanunay.”

Nalipay ang mga tinun-an nga sila nakaseguro nga si Hesus nabanhaw gikan sa mga patay. Hinoon, didto lamang nila nasabtan ang bililhong kamatooran pagkahuman sa Pentekostes nga may kalabutan sa iyang pagpakita diha sa presensya sa Diyos kanila, ug sa tanan nga matinud-anong nagasunod sa iyang mga lakang—ang “gamay’ng panon” nga kinsa gikahimut-ansa Amahan ngahatagansamaayong gingharian.—Lucas 12:32

KALIBUTANONG PAGLAUM

Ang maanindot nga bugkos sa panaghigala uban kang Hesus nga namugna sa iyang gamay nga pundok sa mga sumusunod---lakip na ang mga matinud-anong kababayan-an—nahibasi lamang sa tawhanong sistema. Wala pa sila nakasabot niadto sa mga espirito hanong mga butang. Hinoon, sila sa tibook nilang kasingkasing nagtoo nga siya mao ang gisaad nga Mesiyas, ug nga iyang iestablisar ang dugay na nga gisaad nga gingharian. Sa daghanan niyang mga milagro, nakita nila ang mga ebidensya sa kalibutanong panalangin nga iyang ihatag ngadto sa tanan pinaagi sa nagkalain laing mga ahensya sa gingharian.

Sa hapit na mamatay si Hesus, sa dihang si Marta nitagbo kaniya sa iyang pagbalik sa Betania human ang iyang igsoon nga si Lazaro namatay, niingon siya kaniya, “Ginoo, kon dinhi pa ikaw dili unta mamatay ang akong igsoon. Hinoon nahibalo ako nga bisan karon ang tanan nga imong pangayoon sa Dios, kini ihatag kanimo sa Dios.” Ug si Hesus niingon kaniya, “Ako ang pagkabanhaw, ug ang kinabuhi:....Nitoo ka ba niini?”—bersos 23-26

Matood, si Marta nitoo, sama kang Maria ug ang tanang tinun-an. Diha sa mga milagro nga ilang nakita nga nahimo ni Hesus ug tungod sa iyang mga pagtulon-an ug mga maayong pulong sa iyang pagwali, nitoo sila nga siya ang Mesiyas. Unsa kaha sila kamalipayon diha sa paghunahuna nga nahimong mga tinun-an sa usa nga adunay hilabihan nga gahum nga bisan lamang sa paghikap sa sapot makaayo na sa masakiton.

Sa dihang si Hesus gikuha gikan kanila ug gilansang, dako kaayo ang

ilang kasubo ug ang ilang paglaum nga nakasentro kaniya nawagtang. Dili ikatingala nga sa dihang nakita ni Maria Magdalena nga wala nay sulod ang lubnganan, ug gitaho niya kang Pedro ug Juan nga gikawat ang iyang patay'ng lawas nagdali sila pag adto aron makita nila mismo. Dili usab makatingala nga si Maria, nawad-an ug paglaum ug nadismaya nga wala makita ang lawas sa iyang Ginoo, ug unya nakaamgo nga si Hesus anaa nagtindog sa iyang atubangan nihilak, “Raboni! (nga sa ato pa, Magtutudlo) ug nga iya unta kini nga gacson.—Juan 20:16

Tingali natingala siya sa dihang si Hesus niingon, “ “Ayaw na ako paghikapa, kay wala pa ako makasaka ngadto sa Amahan.” (bers. 17) Ang pulong “hikap” sa pinulungang Griyego mao kadtong gigamit sa kada higayon nga diin nagtumong sa mga binuhat nga “nihikap” kang Hesus o kaha sa iyang mga gisuot sa katuyoan nga mamaayo sila. Mao usab kini nga pulong nga gigamit sa nagkalain laing saysay nga may kalambigitan sa iyang mga milagro sa pagpangayo.

Gipatin-aw ni Maestro Strong ang pulong sa Griyego nga “kalambigitan” ug kadaghanan kining gigamit sa Bag-ong Testamento tataw nga nagpakita sa mahinungdanon nga kalambigitan, nga moresuta sa panalangin nga mamaayo. Sa kinatibuk-an nilang pakiguban ni Hesus, ang mga tinun-an, lakip na si Maria, nakasaksi sa mga milagrosong resulta sa iyang paghikap. Nasaksihan usab nila nga ang uban nga nihikap kaniya diha sa pagtoo nga sila mamaayo, ang iyang “hiyas [gahum]” miadto kanila ug namaayo sila sa ilang mga sakit. (Lucas 6:19) Pipila ka adlaw nga si Maria Magdalena nagbangutan sa kasubo tungod sa kamatayon sa iyang pinalanggang Magtutudlo. Ug karon, kalit lamang iyang naamgohan nga dili na diay siya patay kon dili dakong buhi ug nagtindog tupad kaniya, nisulay paghikap sa tuyo nga dili na mawala pa ang mga panalanagin nga sa iyang hunahuna si Hesus lamang ang makahatag kaniya. Kini siya mao kini ang natural nato nga buhaton, apan tawhanon lamang nga panalangin ang iyang gipaabot.

Si Maria niadtong higayona wala makasabot sa rason nga gisulti ni Hesus sa wala pagtugot nga siya hikapon—“Wala pa ako musaka sa akong Amahan.” Gisugo hinoon si Maria sa nabanhaw'ng Ginoo nga muadto sa mga igsoon “ug niingon ngadto kanila, musaka ako ngadto sa akong Amahan, nga inyong Amahan; ug sa akong Diyos nga inyong Diyos.” Wala si Maria didto sa ibabaw nga lawak nianang gabii sa wala pa si Hesus ilansang. Dili gayud siya makasabot sa mga gipamulong ni Hesus, ilabi na nga dili siya pahikapon kaniya ug pag angkon sa gipangita nga panalangin gawas kon adunay nagsulti kaniya nga nakatambong

nga si Hesus nagsulti mahitungod sa iyang pag adto sa Amahan.

Sa ibabaw nga lawak, si Hesus nisulti sa iyang mga tinun-an nga muadto siya sa iyang Amahan, ug nga dayon iyang ipadala ang Maghulupay---ang Balaang Espirito—ang Espirito sa kamatooran—nga “magagikan” sa Amahan. (Juan 14:26; 15:26; 16:7) Sapagdala ni Maria sa mensahe ni Hesus ngadto kanila nga wala pa siya musaka ngadto sa iyang Amahan, tingali nahinumduman nila ang iyang gisaad. Hinoon, kini wala pa nila masabti ang kahulugan niini hangtod sa katumanan sa saad, ug nga maangkon gayud nila ang Balaang Espirito para mudan-ag ug modasig kanila.

GIKAN SA KALIBUTANON NGADTO SA ESPIRITOHANON

Sa niini nga bahin sa Pentekostes, ug ilabi na niining hinapos nga panahon diin ang atong nibalik nga Ginoo nakaalagad na sa panimalay sa susamang pagtoo diha sa “Niining bahin sa Pentekostes, ug ilabi na niining hinapos nga panahon sa dihang ang nibalik nga Ginoo naka alagad sa panimalay sa pagtoo uban sa “pagkaon sa hustong panahon.” (Mateo 24:45), tataw natong makita kon unsay gipasabot ni Hesus sa iyang gipamulong kang Maria, “Ayaw ako paghikapa, kay wala pa ako muadto sa akong Amahan.” Usa kini ka paagi sa pagsulti nga ang iyang relasyon kaniya ug sa tanang mga tinun-an, kinatibuk-ang nausab na. Dili na siya angay maghunahuna kaniya basi sa tawhanong panaghigalaay, o kaha isip gamhanang makaayo sa mga pisikal nga mga sakit ug kaluyahon. Siya nagsulti kang Maria nga nianang higayona ug hangtud sa umalabot, ang mga pananalangin nga moagas ngadto sa iyang mga sumusunod gikan kaniya moabot kanila pinaagi sa Balaang Espirito, ug ang Balaang Espirito dili mapadala kanila hangtud dili siya makaadto sa iyang Amahan.

Si Maria ug ang mga tinun-an angay mahibalo nga ang ilang relasyon ni Hesus dili na tawhanon. Samtang milagroso siyang nagpakita kanila sa pipila ka mga higayon human sa iyang pagkabanhaw, sa iyang pagsaka sa iyang Amahan ug ilang Amahan, ang iyang relasyon kanila pinaagi na sa pagtoo, ug pinaagi sa kahayag ug pagdasig sa Balaang Espirito. Bisan wala pa musaka si Hesus sa iyang Amahan, ang iyang pakiguban sa mga tinun-an sulod sa kap-atan ka adlaw nga naginterbinar tali sa iyang pagkabanhaw ug pagkayab gidesinyo para ilang maamgohan nga adunay dakong kausaban nga nahitabo, ug nga dili na sila mamahimong makig-uban pa kaniya sama sa kaniadto sa buhi pa siya nga wala pa gilansang. Samtang sila adunay pagduduha kaniya—kadaghanan sa mga higayon niadtong ka-atan ka adlaw, nakita lamang siya sa pipila ka higayon, ug sa kada niya

pagpakita sa ilang taliwala lahi kaayo nga dili gayud sila makaila kaniya.

Ingon man usab, ang kamatooran nga makahimo siyang mopakita ug mahanaw sa kalit lang, bisan anaa sila sa nakasaradong kwarto, makatabang kanila sa pagsabot nga dili na siya mabalda sa mga talikala sa undo. Kini, uban sa iyang mga pag pahibalo nga :tanang gahum” gihatag na kaniya “sa langit ug sa yuta” (Mateo 28:18), makatabang kanila sa pagandam kon unsa man ang ibutyag kanila sa Balaang Espirito sa kaulahian---nga samtang gihulog siya sa kamatayon diha sa unod, gibuhi siya diha sa Espirito. Sa gisulti na ni Pablo, nga gihimo siya nga “espirito nga maghatag ug kinabuhi.”—I Cor. 15:45

Tingali sa pagka karon ang mga tinun-an nakaamgo na ug sugod, sa kahulugan sa gisulti sa Magtutudlo kang Nicodemos, sa dihang iyang pipasabot nga kadtong “nahimugso sa Espirito” moabot ug mulakaw sama sa hangin---nga dili makita---makahimo sa paggamit sa gamhanang gahum. (Juan 3:8) Sa dihang nakiguban pa siya kanila nga tawhanon, usahay may mga higayon nga abuton siya ug kakapoy, ug moingon, sama niadtong usa ka higayon, “Pangadto kamo nga ... ug pamahulay kamog makadiyot.” (Marcos 6:31) Nagbitay ug nagantus sa krus, siya niingon, “giuhaw ako”(Juan 19:28) Hinoon, karon nakita lamang nila siya sa kadali, wala makita kaniya nga sa gihapon siya ubos sa tawhanong limitasyon, o kaha nakasinati ug pisikal nga pagantus o kakapoy.

NIKAYAB—“NAHANAW SA ILANG PANAN-AW”

Ang katapausang pagbisita ni Hesus sa iyang mga tinun-an mao ang pinakaimpresibo sa tanan. Human niya gisulti kanila nga madawat nila ang gahum pinaagi sa Balaang Espirito, iyang gitogon nga sila maoy saksi “sa Jerusalem, ug sa tibook, Judea ug Samaria ug ngadto sa kinatumyang parte sa yuta. Ug sa nakasulti na siya niini, naisa siya sa kahitas-an ug gibayaw sa usa ka panganod ug nahanaw sa ilang mga mata.” (Buhat 1:8,9) Kini, nasayod sila, maoy usa ka butang nga dili mahimo sa usa ka yano nga tawo.

Dili ikatingala nga ang mga tinun-an It is not surprising that the disciples “looked stedfastly toward heaven as he went up.” (bers 10) Pagka talagsaon nga katapusang pamahayag sa sunod sunod nga panghitabo nga ilang nasinati sulod sa unom ka semana sukad nga gidakop ug gipatay ang ilang Magtutudlo. Ang duha ka serapin nga nagpakita human nibiya si Hesus kanila, nangutana, “Ye men of Galilee, why stand ye gazing up into heaven?” (vs. 11) Ang mga serapin wala na magpaabot pa sa ilang mga tubag, kay nasayod sila nga kini nga mga “tawo sa Galilea” niadtong mga gutloa nabuntog pag ayo sa ilang mga emosyon, ug sa dili

matukib nga kalibog sa kahulugan niadto nga mga panghitabo nga diin kini siya maoy katingalahang sangpotanan, nga tingali dili nila matubag.

Ug ang mga serapin nipasabot, “Kining maong Jesus nga gikuha gikan kaninyo ngadto sa langit, mobalik ra unya sa paaging sama sa inyong nakita sa iyang pagsaka sa langit.” (bers 11) Mao ra kini nga Hesus nga ilang nakita nga nikayab sa langit, nga mobalik. Gani, mao ra siya ang mahigugmaon ug masinabtanon nga pagkatawo diin ilang nakauban sulod sa kinatibukan sa iyang pagpangalagad. Apan, dili na siya usa ka tawhanon nga binuhat diin ang iyang mga paghikap nakaayo sa mga masakiton, o diin may hiyas nga diin kadtong mohikap lamang sa tumoy sa iyang sapot namaayo.

Si Hesus nga ilang nailhan sa maayo, kansang pakiguban sila nakatagamtam, mao ang “tawo nga si Kristo Hesus.” (I Tim. 2:5) Siya mao ang tawong Hesus nga nagingon iyang ihatag iyang unod para sa kinabuhi sa kalibutan. (Juan 6:51) Ang mobalik mao ang gibayaw sa kinatumyan nga si Hesus, kansang, gikan sa iyang pagkabanhaw, ingon sa lahi na. Matood, lain na siya, kay karon siya “natawo na sa Espirito,” nga nahimong maghahatag sa kinabuhi, espirito pinaagi sa gamhanang gahum sa Diyos. Ang nabanhaw nga Hesus makahimo pagsulod sa lawak bisan sarado ang mga pultahan, ug mopatim-aw ug mawala lamang. Namahimo siyang makig-uban sa iyang mga tinun-an sa kap-atan ka adlaw nga dili makita gawas kon magpkaita siya kanila. Kini mao siya ang milagrosong gibayaw ngadto sa langit nga nahanaw sa ilang mga panan-aw luyo sa mga panganod. Mao kini siya nga Hesus nga mobalik, sa paagi nga sama sa pagkahanaw iya. Dili siya mamatikdan sa kalibutan, ug pipila lamang sa iyang mga suod nga higal, kaigsoonan ang makamatikod niini.

Gikan sa bukid nga ginganlan ug Olivo diin si Hesus nipakita ngadto sa iyang mga tinun-an sa katapusang higayon, nibalik sila didto sa Herusalem—nga may gilay-on nga sama sa malakaw sa usa ka adlaw nga igpapahulay---ug misaka sila sa lawak sa itaas diin didto kini silang tanan nanagpadayon sa paghiusa sa pag-ampo, kauban sa mga babaye lakip kang Maria nga inahan ni Jesus, ug kauban sa iyang mga igsoong lalaki.” (Buhat 1:12-14) Dili na kinahanglan nga sila magpabilin pa ug dugay, kay sa napulo ka adlaw ang gisaad sa Magtutudlo nga ipadala ang Maghuhupay, ang Balaang Espirito matuman. Mao kining madan-agong impluwensya nga napahaom nila ang ilang mga kasinatian sa sumbanan nga makapadasig ug masabtan. Mao kini ang diha sa kahayag ug pinaagi sa gahum sa Balaang Espirito nga si Pedro nakahimo pagsangyaw sa makapatandog nga wali diin iyang gipunting ang katumanan sa propesiya mahitungod sa kamatayon ug pagkabanhaw ni Hesus—ang wali nga

gamhanan kaayo nga “tulo ka libo ka mga kalag” ang hat “three thousand souls” were caused to be “pricked in their heart.”—Buhat 2:37,41

Dili kita angay maghunahuna nga kadtong gamhanang pagpakita sa Balaang Espirito nga nahitabo sa adlaw sa Pentekostes mao na ang kumpleto nga katumanan sa gisaad ni Hesus nga ipadala ang Maghulupay. Gani, mao pa lamang kadto ang sinugdanan. Ni ang panalangin sa Balaang Espirito limitado para sa pipila lamang, mga pinalabing pinili nga mga apostoles. Didto sa “ibabaw nga lawak” diin ang mga kaigsoonan nag paabot nga nagampo, ang mga kababayenan ug si Maria ang inahan ni Hesus, ug mga kaigsoonan nitambong---ug ang kinatibuk-an niabot sa usa ka gatos ug kawhaan.—Kapitulo 1:13-15

Usa sa mga nitambong niadto sa walay duhaduha si Maria Magdalena, kinsa gisultihan ni Hesus, “Ayaw ako paghikapa kay wala pa ako muadto sa akong Amahan.” Isip resulta sa iyang pagkayab ug pagadto sa langit para sa iyang iglesya, ang Balaang Espirito niabot kanila. Si Maria nakasabot na kon unsa pa ka bililhon ug malungtaron ang mga panalangin nga iya karong mahatag kaniya, ug sa tanang mga kaigsoonan, kay sa niadtong anaa pa siya sa unod.

Karon, imbes kay hawiran ang iyang pisikal nga pagkatawo diha sa paglaum nga maka angkon ug hiyas ug kalig-on, nasayod na si Maria nga makaadto na siya sa trono sa langitnong grasya, para makaangkon ug kalooy ug makakaplag ug panalangin sa mga panahon nga adunay panginahanglan. Sugod sa Pentekostes, ang mga nalamdagan sa Espirito nga mga tinun-an nakasabot nga sa pagbalik ni Hesus ngadto sa iyang Amahan, adunay duha ka dagkong panalangin para kanila. Nagpakita siya diha sa presensya sa Diyos aron sa “paghimo ug pangamuyo” para kanato, ug ang Balaang Espirito “giula” para sa kalamdagan ug kahupayan sa iyang mga sumusunod. (Heb. 7:25; Buhat 2:33) Si Maria karon nakasabot na niini, ug malipay diha sa espiritohanong pakiguban uban sa Amahan ug sa Anak nga namahimong posible.

Sa wala pa siya gilansang, si Hesus nisulti sa iyang mga tinun-an, “Kining mga butanga gisulti ko kaninyo samtang ania pa ako uban kaninyo. Apan ang Manlalaban, ang Espiritu Santo, nga sa akong ngalan igapadala sa Amahan, siya mao ang magatudlo kaninyo sa tanang butang, ug magapahinundom kaninyo sa tanan nga akong gikasulti kaninyo. Kaninyo ibilin ko ang kalinaw; kaninyo ihatag ko ang akong kalinaw. Hatagan ko kamo niini dili sama sa hinatagan sa kalibutan. Kinahanglan dili magkaguol ang inyong kasingkasing, ni magtalaw.”—Juan 14:25-27

Sugod sa Pentekostes, nasinati sa mga tinun-an ang katumanan niini nga saad. Bisan sila naglibog ug nawad-an sa paglaum sa dihang ang Magtutudlo gilansang, karon, pinaagi sa pangalagad sa Balaang Espirito, nga maoy gipadala sa Diyos isip Maghuhupay nakaangkon sila ug kalinaw. Kalinaw nga nasabtan sa tawhanong panghunahuna, namugna diha sa kumpyansa sa kaalam ug gugma sa Amahan sa paggiya ug pag amoma kanila. Nasayod na sila karon nga kadtong nagsulti kang Marta, “Ako ang pagkabanhaw, ug ang kinabuhi,” gihatagan sa “tanang gahum...sa langit ug sa yuta.” (Mateo 28:18), ug nga sa pagpakita niya diha sa presensya sa Diyos para sa iyang mga igsoon, ang gahum sa Balaang Espirito anaa na kanila.

Adlaw adlaw ilang nasinati, ug nakita nila, ang gahum sa Balaang Espirito sa ilang kinabuhi. Giabrihan niini and ilang mga mata sa pagpanabot aron matan-aw ang himaya sa Diyos sa pagpaila pinaagi sa iyang mahigugmaong plano para sa kaluwasan sa katawhan. Ang gahum sa Balaang Espirito, sa paghinumdum sa maanindot nga mga pulong sa kinabuhi diin si Hesus nangalagad kanila saw ala pa siya gilansang, nagpahinumdom kanila sa iyang gisaad nga kadtong gibiyahan ang tanan ug nisunod kaniya ngadto sa kamatayon makaangkon ug “bahandi sa langit.” (Mateo 19:21) Karon nasayod na sila kon unsa kini siya nga “bahandi.”

Matood nga ang mga tinun-an nakahibalo ug nagtudlo nga maglaum kita nga mabuhi ug magahari uban kaniya, ubos sa kondisyon nga magpakamatay kita sa pagsakripisyo diha kang Hesus, ug nga mamahimo kitang sama kaniya ug makita nato siya sa iyang pagka siya. Ila usab nga nasayran, nga kining mahimayaon nga langitnong ganti dili makab-ot hangtud sa pagbalik sa Magtutudlo, busa ang iyang gisaa nga “mobalik siya pagusab” ug dawaton sila u gang tanan niyang katawhan, mao ang basihan sa mahimayaon ug napanalanginang paglaum.—Juan 14:3

Dugang pa, ang mga tinun-an tataw nga nakasabot ug gipahimangnoan ang mga kaigsoonan nga ang ilang paglaum sa kinabuhing walay katapusan nagdepende sa kabanhawhan sa patay. Nasayod sila nga ang tibook katawhan mahanaw sa kamatayon gawas kon dunay pagkabanhaw. Nasayran nila nga tungod sa kamatayon ni Hesus namahimong posible ang kabanhawhan sa iglesya ug sa katawhan, ug nga ang iyang kabanhawhan pinaagi sa iyang Amahan maoy garantiya nga pinaagi kaniya, ang tanan maka angkon ug kinabuhi.

Pinaagi sa gahum sa Balaang Espirito ug sa pangalagad sa mga nalamdagang tinun-an, kini nga mga kamatooran namahimong yanong sabton niadtong nahinung iglesya. Karon, sila ang nagpuno sa atong

mga hunahuna ug nagdasig sa atong mga kasingkasing, kay sa makausa pa, sa espesyal nga paagi, atong hinumduman nga siya nga nagsulti nga siya ang “pagkanahaw u gang kinabuhi” (Juan 11:25), dili magpabilin sa lubnganan, tungod ka yang iyang Langitnong Amahan nigamit sa iyang gamhanang gahum para maputol ang higot sa kamatayon. Pagkamalipayon kanato diha sa pagsalig nga siya nga gibuhi sa Espirito, ug nagpakita diha sa presensya sa Diyos para kanato, karon mobalik na, ug sa dili madugay, kon kita matinud-anon, mouban kita kaniya diha sa himaya ug makita nato siya sa iyang pagka siya. ■

Gibatukan ni Jesus ang Tentasyon

Yabeng Bersikulo:
***“mitubag siya nga nag-
ingon, “Nahisulat na:
`Ang tawo mabuhi dili sa
tinapay lamang, kondili
sa matag-pulong nga
magagula sa baba sa
Dios.”—Mateo 4:4***

Napiling Kasulatan:
Deuteronomio 6:1-16;
Mateo 4:4-11

Pagkahuman sa iyang bautismo, nibiya si Jesus paingon ngadto sa kamingawan alang sa usa ka panahon sa pag-inusara aron sa pagsuta sa kabubut-on sa Amahan una pa magsugod sa iyang pagpangalagad sa publiko. Nagpuasa usab siya sulod sa forty ka adlaw, samtang siya namalandong sa kahulogan sa nagkadaiya nga mga propesiya diin nagatagna sa iyang pag-antos ug kamatayon. Dugang pa niini, siya nag gahin ug panahon sa pagpangandam sa pundasyon alang sa buluhaton sa mga apostoles ug uban pa kinsa magamantala sa umaabot nga gingharian sa

Dios. Ang atong Ginoo seryoso kayo sa iyang pagtuon ug pagpakighiusa sa Dios nga wala gyod siya nikaon ug bisan unsang pagkaon sa tibuok niyang panahon didto sa kamingawan. Sa dihang nadiparahan ang iyang pagkaluya, ang yawa nisuway sa paghaylo kang Jesus sa pag gamit sa iyang espirituhanong gahom aron matagbaw ang iyang kagutom.—Mateo 4:1-3

Mabasa sa atong Yabeng Bersikulo, ang Agalon abtik kayo nga nisalikway ssa sugyot sa kaaway nga miloroso niyang himoong pan ang bato alang sa iyang kaugalingong katagbawan. Siya nagkutlo gikan sa Daang Tugon, diin gipatigbabaw niini nga ang pagkamasinugtanon diha sa pulong sa Dios mao ang labing mahinungdanon, ug busa, dili gyod niya gamiton ang iyang gahom diha sa paagi diin nakasupak sa iyang panaad sa pagsakripisyo sa iyang kaugalingon.

“Unya gidala siya sa yawa ngadto sa siyudad nga balaan ug gitungtong siya sa kinahitas-an sa templo, ug giingnan siya, “Kay ikaw Anak man sa Dios, umambak ikaw ngadto sa ubos; kay nahisulat man kini nga nagaingon: `Magahatag siyag sugo sa iyang mga manolunda mahitungod

kanimo,' ug 'Sa ilang mga kamot pagasapnayon ikaw nila, aron ang imong mga tiil dili mahipangdol sa bato."—Bersikulo 5,6

Sa makausa pa, matarong nga gibaliwala dayon sa atong Ginoo ang hagit ni Satanas sa patuis sa balaod sa kinaiyahan ug mangita sa Langitnong pagpanalipud. Kon iya kining buhaton nagpasabot nga iyang gisuwayan ang Amahan pinaagi sa sayop nga pag gamit sa Kasulatan.—Deut. 6:16; Mateo 4:7

Sa kataposan nga pagpaningkamot sa paglingla, nisugyot ang yawa kon ilhon sa Ginoo ang iyang gahom. Sa ingon niini, wala na gikinahanglan nga ihatag niya [Jesus] ang iyang kinabuhi diha sa sakripisyo aron sa pagtubos sa tawhanong banay. “Kaniya mitubag si Jesus nga nag-ingon, “Pahawa ka, Satanas! kay nahisulat kini nga nagaingon, ‘Maoy simbaha ang Ginoo nga imong Dios, ug siya lamang ang alagari. Unya ang yawa mipahawa kaniya, ug tan-awa, dihay mga anghel nga miabut ug mialagad kaniya.”—Bersikulo 10,11

Isip nga mga konsagradong sumusunod kang jesu-Cristo, adunay usa ka mahinungdanon nga leksyon nga atong nga atong mahagdaw pinaagi sa pagpamalandong kon giunsa sa atong Ginoo ang pagdala sa iyang kaugalingon atoll sa iyang mga pagsulay didto sa kamingawan. Dugay na si Satanas nga nagtinguha sa pagkab-ot sa iyang kaugalingong tumong pinagi sa pagsupak batok sa Langitnong awtoridad. (Isa. 14:12-14) Bisan tuod napakyas siya sa iyang pagsuway nga mounong kaniya ang atong Ginoo, nagtinguha siya sukad pa kaniadto sa pagpakgang sa kahingpitan sa lawas ni Cristo pinaagi sa pagpresentar sa atong mga hunahuna sa nagkadaiyang mga panintal nga kon buhaton gayod, magtukmod gayod sa unodnon ug kinaugalingon nga katagbawan ug makababag sa atong paglambo diha sa masigpit nga dalan.

Unta nga dublihon pa nato ang atong pagpaningkamot sa pagpaubos sa kabubut-on sa Dios maingon nga gipadayag sa Kasulatan, ug kanunay nga itanom sa hunahuna kining musunod nga pahimangno: “Kay ang matag-usa nga magapahitaas sa iyang kaugalingon, igapahiubos; ug ang magapaubos sa iyang kaugalingon, igapahitaas.”—Lucas 14:11 ■

Ang Misyon ni Jesus dinhi sa Yuta

Yabeng Bersikulo: Human sa pagbiya didto sa kamingawan
“Ug kanila misugod diin siya nagpuyo pagkahuman sa iyang
siya sa pagsulti nga bautismo, si Jesus, uban sa gahom sa Espiritu
nag-ingon, “Niining Santo, nagsug na sa iyang pampublikong
adlaw karon, pagpangalagad, nagatudlo didto sa mga
kining bahina sa sinagoga mahitungod sa gingharian sa Dios.
kasulatan natuman Unya sa dihang nahiabot siya sa Nazaret, diin
diha sa inyong didto siya nagdako, niadto usab siya ngadto
pagpatalinghug.”— sa usa ka sinagoga sa Adlaw igpapahulay ug
Lucas 4:21 nibasa sa usa ka bahin sa Kasulatan gikan
sa sinulat ni propeta isaias.—Lucas 4:14-17

Napiling kasulatan:
Lucas 4:14-21 “Ang Espiritu sa Ginoo ania kanako, kay
iya man akong gidihugan aron sa pagwali sa
maayong balita ngadto sa mga kabus. Gipadala niya ako aron sa pagpahibalo
sa kagawasan ngadto sa mga binilanggo ug sa kahiuli sa igtatan-aw ngadto
sa mga buta, sa paghatag sa kagawasan ngadto sa mga dinaugdaug,
sa pagpahibalo sa tuig sa kahimuot sa Ginoo.”—Bersikulo 18,19

Human nabasa ni Jesus kini nga mga pulong gikan kang Isaias,
ang sugilanon nagaingon nga iyang gitak-op ang basahon ug nilingkod,
u gang mga mata sa tanan nga nagatigum didto nakatutok ngadto kaniya.
(Bersikulo 20) Unya dayon ang atong Yabeng Bersikulo nagaingon nga
ang Agalon nikompirmar nga natuman ang bahin sa Kasulatan nga iyang
nabasa niana gyong higayona ug sa pandungog niadtong mga nitambong.

Ang unang reaksiyon sa mga pulong sa atong Ginoo mao gayod ang
pagdayeg, ingon nga naalingatan sa iyang tigpamati nga ang iyang
sinultihan puno sa grasya. (Bersikulo 22) Apan, sa iyang pagpadayon sa
pagsulti, ang iyang sinultihan nagsaway sa ilang pagkadili matarong, ug
ang kanhi nilang gawi sa pagdayeg ngadto kaniya nahimong kapungot,
tungod kay dili siya mobuhat sa bisan unsang milagro “sa iyang

kaugalingong dapit.” (Bersikulo 23,24) Unya naninguha sila sa paghulog kaniya didto sa pangpang , Apan siya miagi sa ilang taliwala nga wala naunsa adisir pa nibiya paingon sa laing lugar.—Bersikulo 28-30

Sakataposangpagpangalagad ni Jesus, gihimo niya ang tanan sa pagbuhay sa kabubut-on sa Dios. Bisan tuod gisalikway sa mga eskriba, mga parisiyo and mga Sadusiyo, ang Agalon maabi-abihong gidawat sa masa, kinsa malipayon nga namati kaniya. Iyang giayo ang mga masakiton, nag-abog ug mga demonyo, ug nagpakaon sa bagang katawhan—mga lima ka libo sa usa niana ka okasyon ug sa laing higayon mga upat ka libo. Maskin pa niining tanan nga kahibulongang pamahayag, siya nasayod nga haduol na ang panahon sa iyang pagbiya dinhi sa yuta. Ang atong Ginoo nagsugod sa paghatag ug mga kamatuoran nga magagtahom uyamot, ug diin nagatudlo nga siya nagapangita niadto lamang kinsa nagatinguha sa pagsunod kaniya sa bisan unsay mahitabo, nga ang paglaom nga mamahimong iyang kauban didto sa gingharian sa iyang Amahan.—Juan 6:56-68

Isip mga magtutuo, aduna usab kitay misyon sa pagpausbaw sa mensahe mahitungod sa gingharian. (Mateo 24:14) Tumanon nato ang atong tahas diha sa atong pagpanghimatuod kabahin sa plano sa Dios, ddiha sa paglaom nga mamahimong instrumento sa pagpangita sa mga nahabiling miyembro sa lawas ni Cristo. Ang musunod nga propesiyanhong pamahayag mamahimo nga maayong gamiton isip giya alang sa atong mga lihok niining panahona: “Ug siya miingon: Lakaw ug sultihi kining katawohan: Kamo nakadungog gayud, apan wala makasabut; ug nakakita gayud, kamo apan wala makasabut. Himoa nga motambok ang kasingkasing niining katawohan, ug pabug-aton mo ang ilang mga igdulungog, ug piyongon mo ang ilang mga mata; tingali unya nga makakita sila uban sa ilang mga mata, ug makadungog uban sa ilang mga igdulungog, ug makasabut sila uban sa ilang kasingkasing, ug mangakabig, ug mamaayo sila. Unya miingon ako: Ginoo, hangtud anus-a? Ug siya mitubag: Hangtud nga ang mga ciudad makamingawan nga mawad-an sa molupyo, ug ang mga kabalayan mawalay tawo, ug ang yuta mabiniyaan sa hingpit.” (Isa. 6:9-11) Pagkaanindot nga pribiliyo ang atong gihuptan! ■

Ang Pagtulon-an ni Jesus Mahitungod sa Balaod

Mga Yabeng Bersikulo: Ang mga Eskriba ug mga Parisiyo

“Kining mga tawhana nahiabot isip delegasyon gikan sa nagapasadungog kanako Jerusalem aron sa pag-imbistiga sa pagtulon-an ug mga bulohaton ni Jesus. Nagasalig pinaagi sa ilang mga sila sa tradisyon sa mga katigulangan sa ngabil, apan halayo kanako pagsukitsukit kaniya kon nganong ang ang ilang kasing-kasing. iyang mga disipolo wala nagsunod ug usa kawang lamang ang ilang ka nabatasan nga paghugas sa ilang mga pagsimba kanako, sanglit kamot una pa mukaon, maskin pa nga kana sa ilang pagpanudlo ila nga batasan dili kabahin sa Kasulatan. mang gipaka-doctrina ang kalagdaan nga hinimo lamang mga tawo.”—

Mateo 15:8,9

Napiling kasulatan:

Mateo 15:1-11,15-20

Aron sa pagsumbat niining mga pangulo sa ilang pagkamaot, gitubag ni Jesus ang ilang pangutana pinagi sa pagpangutana kanila. “Kanila mitubag siya nga nag-ingon, “Ug ngano ba usab nga inyo mang lapason ang sugo sa Dios aron lang pagtuman sa inyong gikabilinbilin nga kalagdaan? Kay ang Dios nagsugo nga nag-ingon, ‘Tumahud ka sa imong amahan ug sa imong inahan, ug, ‘Ang magasultig dautan batok sa iyang amahan o inahan, kinahanglan gayud patyon siya. Apan magaingon kamo, ‘Kon may makaingon lang ngadto sa iyang amahan o inahan, Ang kapahimuslan mo unta gikan kanako gikahatag ngadto sa Dios, kini siya dili na kinahanglan magtahud pa sa iyang amahan. Busa, tungod lang sa inyong gikabilinbilin nga kalagdaan, inyong gipakawalay pulos ang pulong sa Dios.”—Mateo 15:3-6

Nikutlo usab ang Ginoo gikan kang Isaias aron sa pagtudlo kon unsa kamabaw sa ilang reklamo. (Isa. 29:13) Sa pagbuhat sa ingon, gipahinumdoman niya sila nga pinaagi sa ilang pag-adbogar sa pagsalig sa mga tradisyon sa mga tao, nagpakita nga ila lamang giyamayamaan ang pulong sa Dios. Nahisulod sa atong mga yabeng Bersikulo ang kinutlo ni Jesus gikan sa propeta, ug gipatigbabaw ang kinatibuk-ang kahulogan sa iyang pagbadlong niining mga sayop nga magtutudlo, kansang dili husto nga mga doktrina nagapanghimakak sa pulong sa Dios. Ang Banagbanag

Gikan sa sinugdanan hangtud sa kataposan sa iang pagpangalagad, adunay daghang mga kahigayonan ang atong Ginoo sa pagbatikos sa husto kining mga relihiyosong giya sa mga Judeong katawhan, kinsa nilubag sa mga kahulogan sa Kasulatan aron nga muhaom sa ilang kaugalingong katuyoan. Aiay usa ka ingon niana nga pananglitan: “Inyong nadungog nga kini ginaingon, Higugmaa ang imong isigkatawo, ug dumti ang imong kaaway. Apan magaingon ako kaninyo, Higugmaa ninyo ang inyong mga kaaway ug pag-ampo kamo alang sa mga magalutos kaninyo.”—Mateo 5:43,44

Ang mga pulong “Inyong nadungog nga kini ginaingon” naghisgot sa pagsalig sa tawhanong tradisyon sa mga katigulangan kon diin ginatamod sa mga Parisiyo. Ilang gibaliwala ang letra ug espiritu sa Balaod kabahin sa Agalon, kinsa ilang gikalagotan. Ang gilawmon sa ilang pagkahulog hingpit kayo nga mahulagway pinaagi sa katinuoran nga sa human nga gibuhi ni Jesus si Lazaro, ug tungod kay daghan naman ang mga tawo nga nituo kaniya, naglaraw sila nga dili pa igo nga ang Mesias ilang pagapatyon, apan si Lazaro usab.—Juan 11:45-53; 12:9-11

Dili kita ulipon sa particular nga mga balaod ingon nga girepresentahan sa Napulo ka Sugo, ni sakop kita sa mga relihiyosong tradisyon sa mga tawo. Hinuon, ilawom kita sa balaod sa kagawasan. Ang atong paghigugma alang sa Dios mapadayag dili lamang pinaagi sa paglikay niadtong mga butang nga ginadili sa Kasulatan, apan pinaagi usab sa pagsakripisyo sa atong tawhanong mga katungod ug mga pribilihiyo diha sa buluhaton sa kamatuoran alang sa Ginoo ug alang sa mga kaigsoonan.

Ang pagpaninguhasa pagbaton sa espiritu sa gugma diha sa atong mga pulong ug mga buhat usa gayod ka ebidensya nga kita nahisumpay diha kang Cristo. Nga unta ang makapabag-o nga impluwensiya sa Espiritu Santo maghatag kanato’g katakos sa pagtuman sa balaod sa Dios sa atong mga kinabuhi.—Mateo 22:36-40; Juan 13:34,35 ■

Ang Labing Dako nga Kasugoan

Mga Yabeng Bersikulo: Ang atong leksyon nagsugod kang Jesus nga nagsulti ug makasakit nga pag-akusar sa mga relihiyosong Judeong pangulo pinagi sa pag gamit ug mga samingay. Sad-an sila sa pagsalikway kaniya isip Anak sa Dios. Gipasabot sa Ginoo nga ang Dios kinsa mao ang nagpabarog sa balay sa Israel ug naghatag kanila sa langitnong balaod. Gihaagan usab Niya sila sa pamahayag sa nagkalain-laing mga propeta aron sa pagbantay sa nasod nga ilain gikan sa mga impluwensiya sa tanang mga nagpalibot nga nasod nga walay Dios. Busa, angay gayod nga damhon diha sa ingon niana nga mahigugmaong pag-amuma ug pagdumala, pinaagi sa pagkamapasalamaton ug pagkamatinumanon, ang mga Judeo naandam na unta sa pagdawat kang Jesus isip ilang Mesias.—Marcos 12:1-11

Higugmaa ang imong isigkatawo sama sa imong kaugalingon. 'Wala nay sugo nga labi pang mahinungdanon kay niining duha.'—**Marcos 12:30,31**

Napiling Kasulatan:
Levitico 19:18;

Deuteronomio 6:4-9;
Marcos 12:28-34

Subo kaayo, ang mao gihapon nga pagkagahi sa kasingkasing diin maoy nakaingon sa nasod sa pagsalikway sa balaod sa Dios ug ang mga pagpasidaan nga gipadala pinaagi sa mga matarong nga mga propeta, mao usab ang nakaingon sa pagsalikway ug paglansang sa krus ni Jesus, diin iya na nga gitagna. Tataw kayo nga ang mga Judeong pangulo nakasabot sa kahulogan sa mga pulong sa Ginoo.—Bersikulo 12

Nakahibalag pud si Jesus ug oposisyon gikasn sa mga Saduceo, kinsa wala nituo sa pagkabanhaw. Ilang giduso kadtong usa ka kondisyon sa Balaod ni Moises (Deut. 25:5-10) diin kon ang usa ka lalaki mamatay nga walay anak, ang igsoon kinahanglan nga mangasawa sa biyuda aron sa pagmintinar sa ngalan sa pamilya ug mga kabtangan. Aron sa pagpresentar ug usa ka pangagpas lamang nga sitwasyon, gipangutana

si Jesus sa mga Saduceo kon ang usa ka babaye nakapamana ug pito ka managsoon kinsa sunodsunod nga nangamatay, kang kinsa mang asawaha siya inig kabanhaw na sa mga patay..—Marcos 12:18-23

Gitudlo ni Jesus nga ang Dios adunay gahom sa pagbanhaw sa mga minaay, apan usab nga ang kaminyoon mawala na. Dugang pa niini, gipahinumdoman ang mga Sadusiyo ni Jesus nga sa dihang nagpakita kang Moises didto sa kahoy nga nagsiga apan wala nsunog, ang lanigtnong Amahan nagpadayag sa Iyang kaugalingon isip Dios ni Abraham, Isaac, ug Jacob. Kon wla pay paglaom sa pagkabanhaw, wala gayoy gihatag nga ingon niaana nga pagpamulong. Usa ka Eskriba kinsa nakadungog sa tubag sa Agalon sa mga Sadusiyo nakadayeg sa iyang tubag ug unya nagpakisayod kang Jesus kon unsa ang labing dako sa tanang mga kasugoan.—Bersikulo 24-28

Sa atong mga Yabeng Bersikulo, ang atong Ginoo nagdeklara nga ang dakong paghigugma alang sa Dios ug paghigugma sa atong isigkatawo mao ang sumada sa Napulo ka mga Sugo. Kini nga Eskriba nagpakita sa kamatinud-anon sa kasingkasing ug niuyon uban kang Jesus nga ang matinud-anong pagsimba sa sa tibuok nga kasingkasing, kalag, ug kusog, maingon man ang paghigugma sa atong isigkatawo susama sa iyang kaugalingon, mao ang labing mahinungdanong mga butang nga mabuhat ni bisan kinsa—labaw pa kaysa mga seremonyas nga paghalad ug mga sakripisyo sa balaod. Giila ni Jesus ang maayog kinaiya sa iyang kasingkasing pinaagi sa pag-ingon, “Dili ka halayao sa gingharian s adios.”—Bersikulo 34

Isip mga konsagradong magtutuo ni Cristo, ato kanunay nga ipakita ang duha ka mga aspeto sa tubag sa Agalon sa atong mga kinabuhi diha sa tanan natong isulti ug pagabuhaton. “Kon adunay magaingon, “Ako nagahigugma sa Dios,” apan nagadumot sa iyang igsoon, nan, kini siya bakakon; kay siya nga wala maghigugma sa iyang igsoon nga iya rang makita, dili gayud makahimo sa paghigugma sa Dios nga wala niya makita? Ug gikan kaniya nabatonan ta kining maong sugo: nga ang nagahigugma sa Dios kinahanglan magahigugma sa iyang igsoon usab.”—I Juan 4:20,21 ■